



Fedje kontrollutval

Møteprotokoll

Møtedato: 19.01.2022, kl. 9.15 – 12.30

Stad: Fleirbrukshallen, Fedje

Tilstades: Anna Marit Storemark (nestleiar), Alf Nordseth,
Inger Steinsbø, Brit Gunn Tangen og Terje Blomvågnes (1. vara)

Forfall: Rune Borgerød (leiar)

Andre: Rådmann Gjermund Hagesæter

Revisjon: Revisjonssjef Janne Eraker og forvaltningsrevisor Linda Præstin (via Teams)

Sekretariat: Trude Bruket, kontrollutvalssekretær

01/22 Godkjenning av innkalling og sakliste

Saksopplysingar:

Innkalling og sakliste til møtet 19.01.2021 vert lagt fram til godkjenning.

Behandling i møtet:

Ingen kommentarar.

Samrøystes vedtak:

Innkalling og sakliste er godkjend.



02/22 Godkjenning av møteutskrift frå møtet 22.09.2021

Saksvedlegg:

Vedlegg 1: Møteprotokoll frå kontrollutvalsmøtet 10.11.2021.

Saksopplysingar:

Møteprotokoll frå førre kontrollutvalsmøtet vert lagt fram til godkjenning.

Behandling i møtet:

Ingen kommentarar til protokollen.

Samrøystes vedtak:

Møteprotokoll frå møtet 10.11.2021 er godkjend.

**03/22 Skriv og meldingar**

a. Budsjettvedtak kontrollutvalsarbeidet frå kommunestyret.

Saksvedlegg:

Vedlegg 2: Særutskrift forslag budsjetttramme for kontrollutvalet 2022

Saksopplysingar:

Kontrollutvalets framlegg til budsjett til kontrollutvalsarbeidet, sak 32/21 var spesifisert slik:

Utgiftspostar 2022	Fedje
Revisjon	kr 540 000
Sekretariat	kr 68 000
Godtgjersle leiar, medlemmer, vara	kr 50 000
Diverse møteutgifter	kr 6 000
Kontigenter (FKT/faglit.)	kr 1 000
Opplæring kontrollutvalet	kr 30 000
Totalt	kr 695 000

Kommunestyret har i sak 086/21 gjort følgende vedtak: «*Fedje kommune tar med seg framlegget frå Fedje kontrollutval vidare i budsjettprosessen.*»

Behandling i møtet:

Ingen kommentarar.

Samrøystes vedtak:

Kontrollutvalet tek saka til orientering.



04/22 Aktuelt i Fedje kommune

Saksopplysingar:

Rådmann og ordførar er beden om å gje ei kort orientering om aktuelle saker i Fedje kommune.

Behandling i møtet:

Rådmann orienterte om følgande:

- Økonomisjef er kalt inn som meddommar, noko som gjev litt utfordringar på økonomikontoret.
- Teknisk sjef – kort orientering om tilsettingsprosess: Har nokre gode søkarar. Trur det kjem på plass. Jobbar med overføring av informasjon, samt noko digitalisering av gamle dokument.
- Legevaktordning – har ikkje lenger avtale med Nordhordland legevakt. Har tre legar på «Nordsjøturnus» som dekkar behovet lokalt. Er nokre utfordringar med overgangsprosessen i forholdet til Nordhordland legevakt.
- Kort orientering om utfordringar knytt til langtidssjukemeldingar i ein liten kommune.

Det kom spørsmål frå utvalsmedlem om sal av kommunal eigedom med bakgrunn i kommunestyrevedtak i april 2021. Rådmann orienterte, og utvalsmedlemmene stilte spørsmål og kommenterte.

Samrøystes vedtak:

Kontrollutvalet tek saka til orientering.



05/22 Orientering om status for årsrekneskapen 2021

Saksopplysingar:

Frist for å avleggje årsrekneskap er 22. februar og årsmelding den 31. mars. Avlagt rekneskap inneber at balanseavstemmingar og underdokumentasjon er på plass.

Revisor sin frist for å avgje revisjonsmelding er 15. april 2022.

Rådmannen er orientert til å orientera om status for arbeidet med årsrekneskapen for 2021 i møtet.

Behandling i møtet:

Rådmann orienterte kort om at årsrekneskapen er i prosess, og at det ligg an til ein liten pluss.

Samrøystes vedtak:

Kontrollutvalet tek saka til orientering.

06/22 Orientering om organisering av økonomiområdet

Saksopplysingar:

Kontrollutvalet fekk i sak 26/21 i møtet 22. september 2021 og sak 42/21 i møtet 10. november 2021 orientering om den pressa ressursituasjonen ved økonomikontoret. Kontrollutvalet stilte spørsmål om kommunen gjennomførte tilstrekkelege tiltak for å løyse dette, og ba om å få ei ny statusorientering i første møte i 2022.

Rådmann er beden om å orientere nærare om utviklinga, og korleis organisering og ressursituasjonen ved økonomikontoret vert løyst.

Behandling i møtet:

Rådmann orienterte kort om at det er tilsett ein person i eit engasjement i eit halvt år.

Samrøystes vedtak:

Kontrollutvalet tek saka til orientering.



07/22 Statusorientering om oppfølging av nummerert brev nr. 16

Saksopplysingar:

Rådmann er beden om å gje kontrollutvalet ei statusorientering om sak omskrive i nummerert brev nr. 16, jamfør sak 34/20 i kontrollutvalet.

Behandling i møtet:

Rådmann orienterte kort om at ordførar er beden følga opp, men at det ikkje har kome noko svar/avklaring.

Samrøystes vedtak:

Kontrollutvalet vil be ordførar orientera i neste møte.



08/22 Orientering: Revisjonsrapport interim 2021

Saksvedlegg:

Vedlegg 3: Revisjonsrapport interim 2021

Saksopplysingar:

Vestlandsrevisjon IKS har gjennomført interimsrevisjon i Fedje kommune, og har gjennom dette utført testar og kontroll av rekneskapsdata. I hovudtrekk har revisor sine kontrollar ikkje avdekket vesentlege feil. Revisor meiner derfor at kommunens interne kontroll, med nokre unntak, fungerer tilfredsstillande.

Revisor peikar på at 2021 har vore eit utfordrande år med tidvis mangel på ressursar på økonomikontoret i kommunen, og at kommunen er sårbar når sentrale personar er borte. Revisor rår derfor kommunen til å arbeide vidare med å finne løysingar som sikrar at sentrale oppgåver blir løyst i slike tilfelle.

I interimsrapporten har revisor peikt på nokre område som dei meiner kommunen må ha fokus på vidare.

Kommunen har vore noko bakpå med løpande oppgåver. Generelt er avstemmingsrutinane også noko svake, og dette er noko som bør prioriterast framover, særskilt innan lønsområdet. Revisor har ikkje fått moglegheit til å utføre detaljtest på lønsområdet, på grunn av den nemnde ressursmangelen på økonomikontoret.

Revisor peikar på at arbeidsdeling må vere eit fokusområde vidare.

Revisor rår også kommunen å allereie i budsjettprosessen vurdere investeringsprosjekt i høve til gjeldande rekneskapsstandardar, og å dokumentere denne vurderinga. Dette for å redusere risikoen for korreksjonar i ettertid der prosjekt budsjettet i investeringsrekneskapet må dekkast gjennom drift.

Revisor vil i møtet gje ei kort orientering om interimsrevisjonen.

Behandling i møtet:

Revisjonssjef Janne Eraker gav ei statusorientering om interimsrevisjonen i møtet. Dette er ein kontroll av rutinar, transaksjonar og rapportering innan utvalde område.

På inntektssida har revisor testa om fakturagrunnlag og faktura stemmer overeins.

Kontrollane har ikkje avdekket vesentlege feil, men kommunen er noko bakpå på grunn av ressursituasjonen. Dette gjeld til dømes fakturering og purring. Forseinkingar kan gjera det vanskeleg å få inn fordringar. Kanskje tapsavsetninga må justerast opp i år på grunn av etterslep.



Revisor har sett tildels litt svake avstemmingsrutinar på nokre område, først og fremst løn. Bør få på plass litt betre rutinar.

Testa også detaljar på løn, for å få indikasjon på om det er orden på det området.

Har også hatt ein gjennomgang av investeringsprosjekta og sett på om det er reelle investeringar eller drift. Har hatt fokus på dette gjennom fleire år.

Vedlikehaldsprosjekt skal gå på drift. Dette området har betra seg.

Moms vert sett på fleire gongar ilt året. Få avvik. Blir ryddig handtert.

Revisors konklusjon:

Ingen vesentlege feil, men kommunen er bakpå. Viser at kommunen er sårbar når sentrale personar er borte. Oppfordrar kommunen til å arbeida vidare for å finne løysingar som sikrar drift og at sentrale oppgåver vert løyst.

Revisor tilrår at det vert fokus på arbeidsdeling på økonomiområdet framover. Dette er viktig for å unngå feil, og å hindra mislighetar.

Revisor har fått nokon indikasjonar på at fristane for avlegging av rekneskap kan vera vanskeleg å halda. I så fall er det betre å levera fullverdig rekneskap litt seint, enn eit rekneskap som ikkje er kvalitetssikra.

Kontrollutvalet kommenterte og stilte spørsmål.

Utvalet ynsker ikkje å koma i same situasjon som sist, då rekneskapen vart veldig seint levert, og kontrollutvalet fekk papira kun timar før møtet der det skulle handsamast.

Om ressursituasjonen kommenterte rådmannen at det no er gjennomført møter med kommunedirektør i Austrheim, og at ein ser på muligheter for å styrke økonomiområdet gjennom eit samarbeid med Austrheim. Kommuneleiinga håpar dette arbeidet kan gje resultat.

Samrøystes vedtak:

Kontrollutvalet tek saka til orientering.



09/22 Rapport forenkla etterlevingskontroll 2020

Saksvedlegg:

Vedlegg 4: Refusjon av sjukeløn – forenkla etterlevingskontroll Fedje kommune

Vedlegg 5: Attestasjonsuttale_sjukelønsrefusjon_Fedje

Saksopplysingar:

Føremålet med forenkla etterlevingskontroll er å sjå etter om økonomiforvaltninga i hovudsak skjer i samsvar med lovar og reglar, og er ein ny kontrolloppgåve etter kommunelova. Revisor skal etter kommunelova gi ein skriftleg uttale til kontrollutvalet, med kopi til kommunedirektøren, om resultatet av kontrollen innan 30. juni.

Grunna manglande dokumentasjon har ikkje revisor kunne gjennomføre forenkla etterlevingskontroll for 2020.

Kontrollutvalet fekk orientering om dette i sak 28/21 og oppmoda om at etterspurde dokument vert ettersendt frå administrasjonen til revisor innan 1. november. Saka vart handsama i sak 39/21 den 10. november 2021. Revisor orientert då om at kontrollen var starta opp og forventa avslutta i løpet av 2021, og ville kunne leggast fram for handsaming i første møte til kontrollutvalet i 2022.

Tema for etterlevingskontrollen har vore sjukelønsrefusjonar.

Undersøkinga som er gjennomført i samband med utforminga av rapporten syner at kommunen til ein viss grad har etablert skriftlege rutinar som plasserer ansvar og oppgåver i samband med sjukemeldingar og sjukelønsrefusjonar, men at det manglar noko skriftleggjering av slike rutinar.

Forvaltningsrevisor vil presentera rapporten i møtet.



Behandling i møtet:

Forvaltningsrevisor la fram rapporten i møtet, og orienterte blant anna om:

- Føremål: Vurdere om det er etablert rutinar for sjukelønsrefusjonar etter folketrygdlova § 22-3 som er eigna til å sikre at kommunen ikkje tapar refusjon.
- Vurderingskriteria: Knytt til Kommuneleva §25-1: om kommunen sin internkontroll.
- Problemstilling: Har Fedje kommune etablert gode rutinar for å handsama sjukeløns-refusjonar?
- Det har blant anna vore gjennomført ei spørjeundersøking om rutinar blant 8 tilsette med ansvar knytt til sjukmeldingar.
- Revisor er ikkje blitt merksame på tilhøve som gjev grunn til å tru at Fedje kommune har vesentlege svakheiter kring rutinar for handsaming av sjukelønsrefusjonar etter folketrygdlova § 22-3, men at det er enkelte svakheiter/manglar med rutinane..

Rådmann orienterte om at rapporten har vore oppe i den utvida leiargruppa, og at det alt er gjort nokon tiltak og forbetringar på området.

Samrøystes vedtak:

Kontrollutvalet tek saka til orientering, og vil vurdere oppfølging i samband med handsaming av årsrekneskapen.



10/22 Rapport frå eigarskapskontroll: Eigarstyring i Fedje kommune

Saksvedlegg:

Vedlegg 6: Rapport_Eigarskapskontroll Eigarstyring i Fedje

Saksopplysingar:

Den vedlagde rapporten er eit resultat av eigarskapskontrollen «Eigarstyring i Fedje kommune», og er utført på bakgrunn av tinginga frå kontrollutvalet i sak 19/21 og prosjektplan vedteke i sak 31/21.

Føremålet med eigarskapskontrollen er å undersøkje eigarstyringa i Fedje kommune på eit overordna nivå. Det er snakk om eigarstyring når kommunen har valt å oppretta selskap som skal sørge for tenester til innbyggjarane til kommunen.

Undersøkinga viser at Fedje kommune i nokon grad har lagt til rette for god eigarstyring, men lovpålagt eigarskapsmelding er ikkje utarbeidd.

Fedje kommune i stor grad har utøvd sin eigarskap i samsvar med aktuelle lovføresegner og etablerte normer for god eigarstyring.

Revisor tilrår Fedje kommune å:

- utarbeida eigarskapsmelding denne valperioden, i tråd med kravet i kommunelova § 26-1, og kommunisera den til organa i selskapa til kommunen,
- ha jamlege eigarmøte med selskap der dette ikkje skjer,
- syta for tiltak for å sikra felles føringar frå eigarane i NGIR IKS og Aufera AS, t.d. ein felles eigarstrategi eller ei felles eigarskapsmelding.
- syta for at kommunestyret årleg får ein rapport om tilstanden (økonomi, spesielle forhold osv.) for selskapa som kommunen har eigarinteresser i, viss ikkje kommunen utarbeidar eigarskapsmelding kvart år.

Forvaltningsrevisor vil legge fram rapporten i møtet.



Behandling i møtet:

Forvaltningsrevisor la fram rapporten i møtet, og informerte blant anna om:

- Føremålet med revisjonen er å undersøkje eigarstyringa i Fedje kommune på eit overordna nivå.
- Vurderingskriteria er henta frå kommunelova og KS sine tilrådingar for eigarstyring.
- To problemstillingar:
 - I kva grad er det lagt til rette for god eigarstyring i Fedje kommune?
 - Vert kommunen sin eigarskap utøvd i samsvar med aktuelle lovføresegner og etablerte normer for god eigarstyring?
- Desse vert vurdert ut frå fleire kriterium.
- Revisor konkluderer med at:
 - Fedje kommune har kome eit godt stykke på veg med å leggja til rette for god eigarstyring.
 - Fedje følg utvalde tilrådingar til KS for god eigarstyring i stor grad.

Revisor viste til fleire tilrådingar til Fedje kommune. Desse er omtala i saksframlegget.

Rådmann kommenterte at rapporten vert teke med i arbeidet vidare.

Rådmann orienterte også kort om eventuelle sal av små eigardelar (aksjar) i Eviny og BKK.



Samrøystes vedtak i kontrollutvalet:

Kontrollutvalet tek saka til orientering. Kontrollutvalet sluttar seg til revisor sine tilrådingar, og innstiller til vedtak i kommunestyret om å be administrasjonen følgje opp tilrådingane om å:

- utarbeida eigarskapsmelding denne valperioden, i tråd med kravet i kommunelova § 26-1, og kommunisera den til organa i selskapa til kommunen,
- ha jamlege eigarmøte med selskap der dette ikkje skjer,
- syta for tiltak for å sikra felles føringar frå eigarane i NGIR IKS og Aufera AS, t.d. ein felles eigarstrategi eller ei felles eigarskapsmelding.
- syta for at kommunestyret årleg får ein rapport om tilstanden (økonomi, spesielle forhold osv.) for selskapa som kommunen har eigarinteresser i, viss ikkje kommunen utarbeidar eigarskapsmelding kvart år.

Kontrollutvalet ber om ei skriftleg tilbakemelding med statusorientering om oppfølging av tilrådingane innan 4. kvartal 2022.

Innstilling til vedtak i kommunestyret:

Kommunestyret sluttar seg til revisor sine tilrådingar og ber administrasjonen om å følgje opp tilrådingane om å:

- utarbeida eigarskapsmelding denne valperioden, i tråd med kravet i kommunelova § 26-1, og kommunisera den til organa i selskapa til kommunen,
- ha jamlege eigarmøte med selskap der dette ikkje skjer,
- syta for tiltak for å sikra felles føringar frå eigarane i NGIR IKS og Aufera AS, t.d. ein felles eigarstrategi eller ei felles eigarskapsmelding.
- syta for at kommunestyret årleg får ein rapport om tilstanden (økonomi, spesielle forhold osv.) for selskapa som kommunen har eigarinteresser i, viss ikkje kommunen utarbeidar eigarskapsmelding kvart år.

Kommunestyret ber administrasjonen om å gje kontrollutvalet ein skriftleg status om oppfølging av tilrådingane innan 4. kvartal 2022.



11/22 Årsmelding for Fedje kontrollutval 2021

Saksvedlegg:

Vedlegg 7: Framlegg til årsmelding for Fedje kontrollutval 2021

Saksopplysingar:

Kontrollutvalet skal rapportere resultat av sitt arbeid til kommunestyret, jf. kommuneloven § 23-5.

Sekretariatet har utarbeida framlegg til årsmelding for kontrollutvalet sitt arbeid i 2021.

Årsmeldinga er eit supplement til protokollane frå møta, som er den løpande rapporteringa til kommunestyret. Den vedtekne årsmeldinga skal gå som ein eigen rapport til kommunestyret for å synleggjere arbeidet til kontrollutvalet i året som er gått.

Behandling i møtet:

Ingen kommentarar til årsmeldinga.

Samrøystes vedtak:

Kontrollutvalet vedtek årsmeldinga for 2021 slik den ligg føre. Sekretariatet sender årsmeldinga til kommunestyret til orientering.



12/22 Årsmelding for kontrollutvalssekretariatet i Region Nordhordland (RNI) 2021

Saksvedlegg:

Vedlegg 8: Framlegg til årsmelding for kontrollutvalssekretariatet i Region Nordhordland (RNI) 2021

Saksopplysingar:

Sekretariatet har utarbeida ei årsmelding for kontrollutvaletsekretariatet i RNI sitt arbeid i 2021. Årsmeldinga er tenkt som orientering til alle kontrollutvala RNI følg opp, og som orientering til Regionrådet i Nordhordland og styret i RNI.

Behandling i møtet:

Ingen kommentarar til årsmeldinga.

Samrøystes vedtak:

Kontrollutvalet tek årsmeldinga for kontrollutvalssekretariatet til orientering.



13/22 Orientering om resultat av kontrollutvalet si eigenvurdering undervegs i perioden 2019 – 2023.

Saksopplysingar:

Saka er ei oppfølging av orienteringssak 65/21 som var oppe i førre møte.

I løpet av desember 2021 gjennomførte kontrollutvalssekretariatet ved RNI ei evaluering i form av ei anonym, digital spørjeundersøking i alle kontrollutvala RNI er sekretariat for. Resultat frå undersøkinga knytt til Fedje kontrollutval vert lagt fram i møtet.

Det vert lagt opp til drøfting av resultatata frå undersøkinga i møtet, og diskusjon om vidare prosess for å følgja opp evalueringa.

Behandling i møtet:

Kontrollutvalet har tidlegare drøfta om sekretær for kontrollutvalet kan orientera om arbeidet til kontrollutvalet i kommunestyret. Kan sjå på dette igjen, men gjerne naturleg at leiar i kontrollutvalet er med på dette.

Kontrollutvalet drøfta om ein kan vera enno tydelegare i vedtaka som skal vidare til kommunestyret.

Det vart tenkt høgt rundt om kor bevisst kommunestyret er på kontrollutvalet si rolle.

Kontrollutvalet ynskjer å følgja opp fleire av områda i frå evalueringa vidare.

Samrøystes vedtak:

Evalueringsarbeidet vert følgt opp vidare i samband med kontrollutvalsmøta og i eventuell større samling, når dette vert mogleg.



14/22 Møteplan for 2022

Saksopplysingar:

Følgande møtedatoar for 2022, med møtedagar onsdagar og tidsramme kl. 09.15 – 12.15, vert føreslått:

19. januar

25. mai

14. september

23. november

Kontrollutvalet vil få framlagt forslag til møteplan med overordna årsplan for 2022 i møtet.

Behandling i møtet:

Det vart drøfta at møtedatoane kanskje må tilpassast når ein veit kva datoar kommunestyremøta vert lagt til på hausten.

Samrøystes vedtak:

Møteplanen vert oppdatert med møtedatoar og overordna årsplan, og lagt ved protokoll som vedlegg.

15/22 Gjennomgang av møteprotokollar frå politiske utval

Saksopplysingar:

Kontrollutvalet vert oppmoda til å gjennomgå møteprotokollar frå politiske utval.

Møteprotokollane finn ein på kommunen sin heimeside:

<http://innsyn.sing.no/Fedje/innsyn/wfinnsyn.ashx?response=moteplan&>

Behandling i møtet:

Innspel om at det er litt vanskeleg å lesa møteprotokollane frå kommunestyret og andre politiske møte. Det er lite informasjon i vedtaka i saka.

Samrøystes vedtak:

Kontrollutvalet tek saka til orientering.



16/22 Eventuelt

Ingen saker vart meldt inn under eventuelt.

Fedje, 19.01.2022

Anna Marit Storemark
Nestleiar kontrollutvalet

Trude Bruket
Kontrollutvalssekretær

Dette dokumentet er elektronisk godkjent og har difor ingen signatur.



Møteplan/årsplan 2022

Fedje kontrollutval

Vedteke: 10.11.2021

Endra: 19.01.2022

Faste saker på kvart møte er:

1. Godkjenning av innkalling og sakliste
2. Godkjenning av protokoll frå sist møte
3. Meldingssaker
4. Orientering frå/dialog med ordførar og rådmann
5. I 2022: Oppfølging av internevaluering kontrollutvalsarbeidet (etter ynskje og behov)
6. Gjennomgang av møteprotokollar frå politiske utval

19. januar	Rapport/orientering om interimrevisjon 2021 Rapport eigarskapskontroll Forenkla etterlevingskontroll med økonomiområde 2020 Oppfølging frå 2021: økonomikontoret og ressursituasjonen - orientering Statusorientering om oppfølging av nummerert brev nr 16. Status for årsrekneskapen 2021 - orientering Årsmelding Fedje kontrollutval Årsmelding kontrollutvalssekretariatet - orienterings sak Budsjettvedtak kontrollutvalsarbeidet - orientering Kontrollutvalet årsplan/møteplan
25. mai	Årsrekneskap og årsmelding – Uttale frå kontrollutvalet Forenkla etterlevingskontroll med økonomiområde 2021 Forvaltningsrevisjon: drøfting rundt bestilling av nytt revisjonsprosjekt Oppdatere møteplan for resten av året Rekneskap for kontrollutvalsarbeidet 2021 <i>Orientering om eventuelle kommande eksterne tilsynsrapportar</i>
14. sep.	Forvaltningsrevisjon: oppfølging nytt prosjekt (orientering aktuelt område) Framlegg til budsjett for kontrollarbeidet 2023 Plan for rekneskapsrevisjon 2022 <i>Orientering om investeringsprosjekt og finansiering (KØB)</i> <i>Orientering Overordna internkontrollsystem</i>
23. nov.	Status om oppfølging av tilrådingane i sak 10/22 Rapport eigarskapskontroll Møteplan for 2023 Rekneskap: Oppfølging av punkt i revisjonsrapport <i>Orientering om vedlikehaldsplan og finansiering (KØB)</i> Forvaltningsrevisjon: oppfølging

Andre aktuelle orienteringssaker:

HR og utvikling og økonomi

Investeringsprosjekt

Sentralarkiv

Orienteringar om organisering, internkontroll og pågåande utviklingsarbeid innan tenesteområda:



- Teknisk område og landbruk
- Kultur, skule og barnehage
- Helse og omsorg

Andre saker, fortløpande ved behov:

Tilsynsrapporter frå eksterne

Eventuelle nummererte brev

Fortløpande orienteringar frå revisor

Fortløpande orienteringar frå sekretariatet

Planen er godkjent med atterhald om endringar undervegs.

Tema/saker til handsaming vert avklart med kontrollutvalsleiar før innkalling til kvart enkelt møte vert sendt ut.

- Møtedagar i Fedje kommune

Kontrollutvalet: onsdag

Kommunestyret: torsdag

Formannskap: tysdag